



kat.komp.

17033

I


Mag. St. D. P.

Kuszevier Samochy Arceledapwoty.

PANEG. et VITAE

Poian. 4^e

AE 975.



Kustewicz

ΑΝΤΙΠΕΛΑΡΓΩ
ΣΙΣ.



Fig. 1.12.00

Per Illustri et Adm^o Reverendo Ono, Patrono
mo, Ono Adamo Opatorius S.T.D et
Canonicus Eccl^e Cathedralis Cracoviensis etc.

Illustris Tessera Honoris..




17033 I

*Religio hæc nuper rapuit Vexilla Gradina;
Marta sæcla ruunt. Sacra Fidesq; vigent..*



Perillustri & Reuerendiſſ: Domino,
D. IOANNI BRANECKI,
 Archidiacono Pſzczeuensi, Scholaſtico
 Varſouienſi.

EPISCOPATVS POSNANIENSIS ADMINI-
 ſtratori Vigilantiſſ. Collegij Lubrā:
 Curatori Munificentiſſimo, Sacrae Re-
 giæ M. SECRETARIO.

 *Tellæ polaris motum, & ra-
 dios obſeruare, Perilluſtr:
 & Reuerendiſſime Domi-
 ne, antiquitus nautis uſita-
 tum, ne noſtris quidem tem-
 poribus, hæc curioſa venä-
 di Noui Orbis ætas omi-
 ſit. Quippe qui aliter ſe capaci fortuitorum,
 mari committunt, aut à portu penitus aberrant,
 aut eum non niſi tardè, & magna cum difficulta-
 te aſſequuntur. Idem quoque mihi faciendum
 eſſe video. Quia quàm variæ in hoc mari Syr-
 tes Charybdesq; ſint, quàm frequentia multorum*

*naufragia, generis humani conscientia testatur.
 Id mihi ne contingat, Te, sine libidine assentan-
 di, in polum eligo: quem & iudicij candor falle-
 re, & prodigiosum illud, omnibusque naturæ do-
 tibus instructum ingenium, falli non permittet.
 Si concedis Cliens Tuus ero. Tu mihi esto in Pa-
 tronum. Iam enim tantum alijs magnitudine in
 me meritorum antecellis, quantum exuperas sin-
 gulos fastigio dignitatis. Vale, & Vive. uti-
 nam diuturnior Academicorum recreator, quàm
 maturior cælitum comes.*

Perillustri & Reuerendiss.

D. I.

deuotissimus

M. Samuel Kuşewicz.



ΑΝΤΙΠΕΛΑΡΓΩ ΣΙΣ.



EMINEM Vestrūm,
ignorare arbitror, Audi-
tores, hanc semper à cō-
dita Academia consue-
tudinem, atq; hanc pie-
tatem fuisse, vt, sepositā
aliquantis per studiorum cogitatione, vo-
ta, pro incolumitate benè erga literas me-
ritorum proroganda, Clementissimo DEO
nuncuparentur. Quæ consuetudo idcir-
co, Maiorum nostrorū voluntate, introdu-
cta est, vt & luuentus ad ostendendum ple-
nissi-

B

nissimum pietatis animum, honestissimo exemplo inuitaretur, & quòd illi certè statuerant, nullum maius vitium esse, quàm officio non respondere, & nullam maiorẽ culpam contra hi posse, quàm nullam memoris animi facere significationem. Et est quidem Academicis animus idem, qui fuit semper, vt ad officiosam voluntatis, & affectûs obligati contestationem propensus: sic mirificè contumax & indefessus ad faciendas supplicationes, non prophanis victimis, sed solennibus sacrificijs, non superstitiosâ obseruatione, sed religiosissimâ Pietate. Ne hoc profectò sibi reliqui faciunt, vt in illa laboriosissima vitæ ratione, cùm Nobilissimæ Iuuentutis mentes ad humanitatem fingant, atq; virtutem, sic versentur, vt ad Diuos Indigetes, præcipuè verò ad insignem literarum præstitem, D. IOANNEM CANTIVM, supplicandi gratiâ non adesse patiantur. Solent Academici sæpius

sæpiùs, Auditores, non modò pro Reipub:
 totius (cui magno grati, & memoris ani-
 mi nexu sunt obligati) incremento, sed e-
 tiam pro singulorum felicitate Deum Opt:
 Max: castissime venerari: & insignem Pie-
 tatem optimè de se meritis testari cumula-
 tissimè. Neq; sanè virtus vlla in Acade-
 mia maior, hoc præsertim tam sæuo, & in-
 festo virtutibus tempore, reperiri potest,
 quàm singularem grati animi voluntatem,
 si non referendâ, at saltem prædicandâ
 gratiâ declarare: neq; tanta Nomini Aca-
 demico macula inuri potest, quàm Pieta-
 tem, Gratitude, Benevolentiam ab hoc
 Ordine abiudicari. Itaq; mihi videor hæ-
 reditariam, & maximè decentem, & pro-
 pè diuinam Academiæ consuetudinem sus-
 cepisse: neq; in eo magis meæ voluntati,
 quàm maiorum præscripto institutoq; ser-
 uisse. Accessi enim tum ad recensenden-
 das, officiosâ veneratione, Virtutes Illu-

Ariffimi Analtitis Noftri: tum ad exoran-
 dam Diuinam Maieftatem, primùm, vt cū
 tantum iter ad maximum mūdi Paftorem,
 & Patrem optimum, Vrbanum VIII. pro
 dignitate Religionis Illuftriff: fufceperit, fe
 liciffimè conficiat: deinde, vt diutiffimè
 tam vigilantem Ecclefia huius agat Specu-
 latorem. Etenim fine dubio, Auditores,
 in hoc fatali opinionum tumultu, quo nul-
 la ætas vidit quidpiam pernitiōfius, tales ha-
 bere debemus facrorum Principes, qualē
 iam Illuftriffimum Noftum, in hac Am-
 pliffima Exhedra, cognouimus, qualemq;
 cum maximè velle, & optare poffumus.
 Præful eft enim, in quo non adumbrata, fed
 omnium Virtutum coloribus ad viuum ex-
 preffa boni, atque Vigilantis Paftoris cer-
 nitur imago: qui fi diutiffimè Ecclefiam,
 hanc rexerit, definent Heterodoxi Sanctif-
 fimas Cæremonias Sacrorum, pariter cū
 bonis moribus, & apertè petere, & occul-
 te cu-

re cuniculis oppugnare. Tametsi iam primo ad Ecclesiam hanc aditu, explicato virtutis suæ fulgore, aut oppressit infernales illas Harpyas, aut omnes earum motus conatusque prohibuit, tum ad notandam impiorum calamitatem, tum ad testificandam suam Virtutem, tum potissimum ad augendam Religionem. De dexteritate singulari, quod Orthodoxæ fidei puritatem, statui Clericali honestatem, Ecclesiæ immunitatem restituit, sunt qui mirentur: mihi illustrem illam, & inusitatam animi magnitudinem, & acre ingenium à natura, & velox, & acutum cogitanti, ac mentis oculos per cætera ab illo, non minus accuraté, quàm dextrè & feliciter gesta, circumferenti, ne hoc quidem mirandum videtur. Et ego quidem sic statuo, nullius esse tantum ingenium, quod non dico pervidere, ac comprehendere, sed percurrere, ac tueri: nullius tantam dicendi facultatem, tamq;

tamq; copiam, quæ non dico ornare dicē-
 do Illustriss: Antistitis nostri facinora, sed
 enumerando percensere possit. Atq; illa
 quidem prætereo, quæ illo tempore, quo
 in hominum luce, atque celebritate versa-
 ri cæpit, gloriose laudabiliterq; præstitit:
 quorum nomine non domi modò, sed apud
 exteros etiam, non tacito consensu, sed a-
 pertâ omnium voce, sempiternæ memo-
 riæ commendatur. Non dicam hoc loco,
cum Illustriss: nostri in Rempub: & Ecclesiam
animum semper fuisse, ut sibi potius ad laborum
fructus tardiùs perueniendum esse duceret, quàm
non ita gerendum officium suum, ut in omnibus
factis, atq; consilijs illa candida, infucata, &
constans sibi in omnibus prudentia laudaretur.
 Nihil de illa admirabilili Iustitiæ integrita-
 te dicam, qua in florentissimo illo Regni
 Arcopago, homines magnis difficultatibus
 affectos. atque afflictos, partim in fidem,
 suam suscepit, partim illæsos conseruauit,
 partim

partim implorantes iura immunitatum, & hæreditatum ornauit; *ut optimo iure Amplissimorum Ordinum Delicium meruit appellari.* Nihil commemoro, quàm sollicitè operam, in Sacro sanctis huius Prouinciæ Conciljs, impendit, ne impij aliquando ea, quæ Maiores nostri Religionibus nobis tuta, & sancta esse voluerunt, aut contra Religionem Orthodoxam labefactent, aut etiam Purioris (si ita Dijs placet) Religionis nomine evertant. Prætermitto, quòd in illa Ecclesia Gnesnenfi, quæ flos Reipub: ornamentum Religionis, magnorum Virorum, theatrum amplissimum habetur, nihil vnquam aggrediebatur, quin præcipua aliqua Diuini Numinis obseruantia, in omnibus eius dictis, & factis eluceret; *Verissimè persuasus, si vel transuersum unguem à Religione, & Pietate deflexisset, continuo se periturum.* Taceo, quod in aula S. R. M. sagacitatem, Politicam, & pietatem Religiosam, res hæ-

tenus

ætenuſ multum diſiunctas, & diſpares, ar-
 etiffimo vinculo copulauit, & admirabili
 ſanctitatis, & ſolertiæ temperamēto, Cœ-
 los terris permiscuit, orbem ætheri conci-
 liauit. Miſſum facio, profundum illud in
 gerendis Eminentiffimi Ioannis Alberti, S.
 R. E. Cardinalis, negotijs conſilium: cū
 nullū, fermè tantū, ac tam difficile fuerit,
 quin illud, veluti peritus Nauarchus, & vi-
 derit prudenter, & perfecerit conſtanter.
 Omittam quod Illuſtriſſi Noſtrum Eminē-
 tiſſimus Cardinalis non modò ſibi præſen-
 tem in exteris nationibus habere, ſed etiam
 curarum ſuarum ſocium, & adiutorem ad-
 iungere voluerit; *cū vidiffet, ipſos etiam,
 caſus euentusq; rerum, non duces, ſed comites
 conſiliorum illius fuiſſe.* Sileo ſæcundiffimū
 illud Epiſcoporum ſeminarium, Cracoui-
 enſe Capitulum: in quo nulla res tanta fu-
 it, ac tam difficilis, quàm ille non & conſi-
 lio rexerit, & integritate tuitus ſit, & vir-
 tute

tute confecerit; vt vniuerſorum pectori-
 bus infixus, nouo quotidie deſiderio efflo-
 reſcat animorum. Prætereo quòd in Se-
 ueria, atq; Czernichouia ſuæ præſtantis
 prudentiæ, & commemorabilis in Patriã
 Pietatis Veſtigia reliquerit, non ad exigui
 temporis prædicationem leuiter preſſa,
 ſed penitus infixæ ad memoriã poſteritatis
 ſepiternã. Mitto perpetua erga Sereniſſ:
 VLADISLA VM IV. voluntatis inductionem,
 cùm illam vos ipſi videritis illo motu rerũ,
 & conuerſione temporum, cùm iam extre-
 mum pene ſpiritum Reſpub: noſtra trahe-
 re videretur: cùm Oſmanus, fatale illud
 portentum prodigiumquẽ Chriſtianorum,
 nos, in hoc domicilio libertatis trucidare,
 & incendio Reipub: ſepelire conaretur.
 Mitto, quòd ad latus Sereniſſimi Principis,
 non tantũ ſpectator, & teſtis periculo-
 rum fuit, ſed etiã particeps & Socius, quæ
 ab Otthomanica bellua, vel ipſã victoria-
 rum

rum perpetuitate insolescenti, expectabantur, & temporis incommoditate aduersitatum. Mitto, quàm animosè Patriæ charitatem expectoribus illorum, qui in illis turbinibus & fluctibus Reipu: relictâ vrbe, *Veios migrandum esse putabant*, abeuntem reuocauit. Omitto illam diem, quæ illi immortalitatis instar semper erit: quâ ab extremis Roxiæ oris redijt, cum Leopoli proceres egressos vidit, populumq; vniuersû, cum ipsa Leopoli, propè conuulsa sedibus suis, ad complectendum Nuncium pacis & victoriæ procedere visa est: quæ illum ita accepit, vt non modò omnium generum, ætatum, ordinum, omnes viri, ac mulieres, omnis multitudo, verùm etiam mænia ipsa, in illo confinio aduersus impetum Otthomanicum collocata, viderentur, & tecta vrbis, ac templa lætari. Omitto cætera, quæ sunt & infinita, & maxima: non vagabitur Oratio mea longius, atque his ipsis

pſis definietur rebus, quæ ſunt Episcopalis
 indiſtriæ, & paſtoritiæ vigilantix propriæ.
 laſtet nunc antiquitas Argonauem, quæ tã-
 tulo ex Græcia per Pontum factò itinere
 celebratur: Illuſtr. Antiſtes Noſter eſt,
 qui Gentilitiã Naui ſuã, per tot lubrica loca
 præteruectus, cum variarum virtutum or-
 namentiſ, tanquam cum precioſiſ merci-
 moniſ, ad ampliſſimoſ in Repub: honoreſ
 enauigauit. Producat antiquitas fabulo-
 ſoſ illoſ Argonautaſ, & in cæleſtium nume-
 rum falſò relatoſ geminoſ fratreſ, Caſtorẽ
 & Polluceſ, quoſ ſalutareſ, & proſperi-
 curſuſ Prænuncioſ, omneſ tempeſtateſ, &
 procellaſ turbidiſſimaſ fugare accepiſuſ:
 Illuſtriſſimuſ Noſter eſt, qui honoreſ illoſ,
 & præclaræ laudiſ inſignia ſibi iure ven-
 dicat: qui illaſ generiſ humani peſteſ, Ec-
 cleſiæ furiaſ, faceſ Patriæ, Religioniſ ho-
 ſteſ, Sacroſum prædoneſ, labes ac ruinaſ
 orbis terrarum diſcuſſit, & diſſipauit. Te-

Turcaſ.

statur Kijouiensis Ecclesia in qua omnia.
 Diuino cultui, fanaticorum erronum ma-
 leuolentiâ non mediocriter infracta, in in-
 tegrum restituit, debilitata consolidauit,
 firma muniuit, multis incômodis *Unitatem*
 debilitatam recreauit; vt diligentiam ad-
 mirarentur omnes, ingenium cognosce-
 rent. Quid aliud fecisse arbitramini Iuli-
 um illum Cæsarem, qui quo die sacerdoti-
 um maximum obtinuit, eodem die num-
 mum, veterum more, argenteum cudere
 permisit, *cum gubernaculo Naui* ex aduer-
 so latere, globo, cornu copię, caduceo, pi-
 leo sacerdotali? cùm symbolicè significa-
 ret, se in eo omnes dies noctesque consu-
 mere, vt beatam Ciuibus vitam, id est, pa-
 cem, & concordiam, diuitias, atque bono-
 rum omnium copiam adferre possit? O ad-
 mirabilem, ô iterum, ac tertiò admirabilē
 Antistitem Nostrum (*Te enim iam appello, &
 alloquor, qui nunc Romæ, in illo Sanctitatis &
 Reli-*

Religionis domicilio es) Te admirabilem, inquam, qui non paucis, sed omnibus, non modò orthodoxis, sed etiam Græcâ labe contaminatis, non vni tantum ætati, sed in multa sæcula, atque propé infinita consulisti: qui, quæ sint optimi pastoris, atque Antistitis partes, non tam voce, & oratione, quàm moribus ac vitâ declarâsti. Alij Tempa, & bona eorum ab iniquissimæ fidei possessoribus vindicare non poterant: Tu omnium literis, atque linguis prædicandâ animi tui præstantiâ, ad nunquam intermorituram nominis Tui glóriam recuperâsti: & plura in possessionibus Ecclesiæ officiosi laboris, quàm aduentus vestigia reliquisti. Alij ruinosâ stabilire neglexerunt: Tu egregijs picturis, statuis, & imaginibus locupletâsti; vt te nullum pietatis aut Ecclesiastici decoris amantiorem illa Diœcesis non modò vidit, sed aut sperando vnam aut optando cognouit. Tu piarum

G 3

fun-

fundationum curam suscepisti, ac perfecisti, ut eorum, qui ea fundassent, atque instituis-
 sent voluntas diligenter, ac religiose obseruetur: illi propter ambulatoriam Ciuium religionem, his manum admouere noluerunt. Iam nobis tunc praesentire videbaris, *Boni & Prudentis esse Antistitis, meminisse se Speculatorē: cogitare Religionē sibi à Deo immortali commissā, & creditam esse: & non solum sibi sacerdotum, verum etiā vniuersae multitudinis curā esse meminisse: debere, qui aberrarunt, reuocare: qui permanserunt, confirmare: & semper non quid ipse velit, sed quid salus publica, & Religio cogat, cogitare: existimare necesse esse, ut à se, salubri quodam temperamento, in alios, veluti radij Sacrosanctae potestatis diffundantur.* Quantum in Kiouicensi Ecclesia virtute suā praestiterit, videtis. An illum in Præmisliensi Diœcesi nihil animi robore, Episcopali quē vigilantia valuisse dicturi estis, quā sibi per vniuersum Regnū, nunquam inter morituram immortalitatem

rem comparauit? O felicem Dioccesim! & multa grauiaque iudiciâ quæ de Illumi. No-
 stri ardore singulari, de studio Religionis,
 non modò conseruandæ, sed etiam ampli-
 ficandæ, maximi in Repub: Sacrorum Ad-
 ministri, atque. Amplissimi Senatûs Prin-
 cipes fecerunt! ò potentissimi VLADISLAI
 Quarti (*quem Regem dum nomino, satis mihi
 ad omnem laudem, atque gloriam dicere videor*)
 inusitatam sapientiam, egregiamque vo-
 cem, quam præ se, indicem erga Illustrissi-
 mum voluntatis ac studij tulit, quâ proui-
 dentem eiusdem ingenij dexteritatem, &
 sapientem prudentiam, in defendenda Ec-
 clesiæ immunitate confirmauit. Te deni-
 que appello tempus illud, conscius eius
 consilij atque particeps: Vos in Præmissi-
 ensi Ecclesia Sacerdotes, testes eius conspi-
 cuæ virtutis, vos etiam virgines religione
 Sanctorum consecratæ, vos Viri Religiosi
 qui vestri Antistitis tum animi fortitudinē
 exi-

æximiam, tum rerum gerendarum scientiam, constantiam, variam intimamque doctrinam vidistis illo tempore, *cum omnibus vobis ostendit, immunitatum defensionem, & Sacri Ordinis dignitatem, ita altè in pectore eius radices defixisse suas, ut illud nullius furor frangere & debilitare possit.* Vos erronum fana, vos superstitionis delubra imploro, vosque, qui vestro Sanctissimi Spiritus maiestatem cerebro metientes, qui in eodem turribulo ignem sacrum & Prophanum imponentes, sæpe Illustrissimi audito nomine subitâ formidine trepidastis, quid vnquam veriùs fassì estis, quàm cum affirmare non dubitastis, Illustrissimum Nostrum plures virtutes obtinuisse, quàm alij concupiscerunt: plura ornamenta in animum suum congefisse, quàm cæteri de illis legerunt: plura inuiolatæ erga Romanam Ecclesiam pietatis argumenta præstitisse, quam alij cognouerunt. Quid de illa orationis gravitate,

uitate, Principis & Ordinum animos demulcente dicam? quæ non præteruecta est aures vestras, sed in animis omnium penitus insedit: quæ iam tum recens incredibilis multis, quibusdam admirabilis, nunc omnibus salutaris, extollenda & imitanda meritò videtur. *Ita semper manifestus est virtutis splendor, ut sicut facis ardentis lumen, occultari non potest, quin illud omnes videant: sic virtutis claritas celari nequit, quo minus bonorum civium animos, atq; oculos in se cōvertat.* O utinam audire nobis omnibus licuisset, salutaria illa de Repub: & Ecclesia, in Comitiorum æstu consilia! o utinam amplissimi Senatus penetralia illa, in quibus, sine gratia & ambitione, bonæ tantum conscientiæ precio ductus, Ordines periculorum, à diuersa religione communi impendentium saluti, præmonuit, intrare licuisset, statueremus profectò, in cæteris posse dari assentationi locū, in Episcopis & Senatoribus,

D

quos

quos maiores Nostri Præsides libertatis, custodesque esse voluerunt, veritati. Ego autē sic perspicio, sic iudico, nisi vnus Antistes noster suā orationis vehementiā, suā grauitate, suā constantiā, velut alter Azarias, dixisset, *exitiosam illam sphingen, Typhonis & Echydnae filiam*, iam pridem in Regno habuissēmus: *quæ quot corporis sui partes, tot penē formas habet, quæ vultu & pectore Feminam, alis Aquilam, pedibus caudāque Leonem, mentitur.* Quid commemorem quā sit de hac Amplissima Ecclesia sollicitus, quæ perspicuo supremi Numinis fauore, prudentissimo S. R. M. iudicio (*apud quem Achilles Homericus quæri non potest, vulgari honorem, & laudis ornamenta indignis tribui*) ad eum, ante quatuor annos, delata est? Quam ego sollicitudinē, ac multis magnisq; in rebus cognitam, & spectatā curam, cum sæpe numero animo profundiori reuoluo eius modi esse animaduerto, vt fateri vel potius

tius profiteri debeam, in Illustrissimo Antistite Nostro omnia grauissimorum Antecessorum merita, ita nouo exemplo efflorescere, vt omnium eorum in se non solum, effinxerit imaginem, sed etiam consequentiæ tati, quod sequatur, dederit. Placuerat quondam Francorum genti, in maritimis rebus exercitatissimæ paratissimæque, vt quacunque sibi regione, vrbis condendæ locum sedemque deligerent, eidem loco & vrbi *Naue[m] amplissimam, Nautici sui honoris & antiquitatis notam perpetuam,* dicarent. At Illustrissimi Nostri diuina, atque eximia virtus, non vnus duntaxat, aut alterius loci angustijs premi, atque alligari debebat: sed tot locorum, ciuitatum, Regionum amplissima spatia peruagari, ad extremum hic *Cætilij decoris vestigia perpetua,* & nunquam inter moritura laudis in prime re ornamenta. Nam quis hoc non videt, quod singulari quædam Dei immortalis pro

uidentia, his impeditis Reipub: temporibus, datus Dioecesis hanc, (*in qua clementissimus Deus turrim illam David cum propugnaculis constituit, & ad Nominis sui gloriam, propagandam hostiumq; impetus retundendos, mille Clypeos, & omnem armaturam fortium appendit*) tueri & decorare proposuit? Mitto quod incredibilem Illustrissimi constantiam, atq; probitatem multorum impietas compressa, officiosos labores vniuersa Dioecesis, imo vniuersa Respub: declararit: ardorem verò ac Religionem, quod Caliginosas Lutheranae prauitatis tenebras, ex afflictæ Germaniæ reliquijs hæc concitatas discusserit. Relinquo, quod veterem illam magistram pudoris, & modestiæ, aspersam comitate grauitatem, conditam benignitate seueritatem reduxerit: quod notorias quasuis labes ex Clero euallat, & exterminet prætereo. Nec hæc idcirco omitto, non quod non grauissima sint: sed quia à
 me

me pro dignitate dici non possunt. Iam
 si liberalitatem eius, si beneficentiam per-
 sequi velimus, nullius vnquam orationis li-
 mitibus, atque cancellis poterit contineri.
 Quando, quod honeste ab eo petiuisset ali-
 quis non impetrauit? quem ille egentem
 vacuis à muneribus manibus dimisit? Lu-
 douicum Alestinum Cardinalem nuper in
 eavrbē habuimus, in quā, cum tanquam
 in publico Christiani orbis theatro, tot an-
 nos admirationi fuisset, thesaurus pauperū,
 Sacri Collegij splendor, aulæq; Rōmanæ or-
 namentum diei meruit. Nam quod a-
 lij in vastis ædificiorum molibus, & otiosis
 structuris erigendis infumebant, id ille to-
 tum demerendis hominum per liberalita-
 tem voluntatibus, ac tenuiorum fortunis
 subleuandis impendebat; *eas solas fundatas,
 atque optime constitutas opes possidere se ratus,
 quas amicorū necessitatibus non rogatus donasset.*
 Non aliter Illustrissimus Antistes, nec quic-
 D 3 quam

quam generosius velle, nec gloriosius præstare potuit, quàm vt in hoc editiori Ecclesiæ & Regni fastigio positus, præsidium amicis, opem socijs, salutem periclitantibus, Ecclesiæ decorem adferret. Sentiant Tuam munificentiam viri Religiosi, Antistites Illustrissime (*Tecum enim iterum loqui libet, si qua vox nostra ad Te per tot regiones pervenire potest.*) Sentiant, inquam, viri Religiosi, quos Tu amplissimis muneribus auxisti & *opimis intestatorum hæreditatibus ornatos dotasti.* Experiuntur cæteri Nobilissimi Regni huius Ordines: in quibus subleuandis liberalitate Tuâ honori velificari voluisti: *cum non ignores, hanc esse virtutem quæ maiorem gloriam, & studia maiora paret, atque conseruet, ut sine qua neq; suas opes firmare, neque gloriam unquam consequi quisquâ potest.* Te extollunt inopes altorem, & educatorem suum: Te mileri & afflicti quasi cognitorem; Te tutelam suam pupilli appellant

pellant; Tuum aduentum calamitosi profluentibus lachrymis gementesq; peroptāt; illi ipsi qui omnium rerum copijs abundantes Tui minus indigere videntur, tamen tā fidelem defensorem bonorum omnium desiderant, *exemplum virtutis, imaginem antiquitatis, columnam Reipub: liberalitatis domicilium dicunt se expectare.* Magna mihi est memorandi copia, quæ à Te liberaliter munificeq; donata sint. ex quibus perspicifacile, ac cognosci possit, à Te non solum mortuorum famam, sed etiam viuentium gloriam victam esse, atque superatam. Verum non obscure hæc sunt: & eorum fama celebrantur aures quotidie vestrae cū amplissimis nominibus virtutum, & honoris ac veræ dignitatis: Illud certè mihi verè dicturus esse videor, in sanctissimis illis grauissimiq; Illustrissimi prædecessoribus alia ornamenta fuisse paria: at exornandæ Ecclesiæ studium maius, & in Templo hoc
 augu-

augustissimo restaurando, & locupletan-
 do maiorem beneficentiam in Hoc extitit-
 se. Quid illud, quòd potest Lubranscium
 nec à Maioribus audiuius, nec in monu-
 mentis doctissimorum virorum legimus,
 de Hoc ipsi toties vidimus, quantum est?
 quòd cum sciat, illos qui eò usque proce-
 dunt audaciæ, vt non vereantur studia lite-
 rarum despectui habere, parem turpitudi-
 nem manere, ac qui Sacrorum contrecta-
 tione templa violant Deorum immortalium,
 nihil antiquius habeat, quàm vt in his Mu-
 sarum campis & hortis teneræ stirpes infi-
 tæ tanquam in pinguiori salubrioriq; solo,
 sub vigili moderatorum cura, vtilius edu-
 centur, vt in rerum præstantissimarum,
 spem & frugem adolefcent. Quid quod
 Coloniam hanc Academiæ Cracouiensis,
 Polonâ libertate, & ingenuâ institutione
 mistam, ac benè compositam, procul à
 turbis & strepitu vulgi, collocatam, auge-
 at &

at & tueatur? *cùm non ignoret tamdiu Græcos & Romanos floruisse, quamdiu iuuentutem Præceptoribus, publicæ libertatis amantibus subijcerent: sed quando servis & externis filiorum curam demandârunt, mores Civium fuisse corruptos, & Rēpub: haud parùm detrimenti accepisse.* A quo Antistite vos, Academici mei; id quòd maximè probare possum, tanta & tã præclara beneficia sensistis? An vero ullos tam horridos montes, & tam inaccessible rupes in Regno hoc esse putatis, quò non IllumiNostri, verè paternæ erga vos benevolentia fama peruaferit? *cùm & publicè, & priuatim fateri soleat, se nihil prius antiquiusq; habere quàm ut proxima quæq; erga vos promerita instrumentum sequentiũ habere possit.* Itaque libētissimè prædicabimus Antistitē Nostrũ comitate & liberalitate æquè vt Lubrasciũ, amore, euigilatis studijs, cæteris deniquè id genus officijs, præcipuè pro dignitate nostralaberâsse. Hic tuam, Ioannes Lubransci, cùm Tu olim præstantius

nihil Academicis literis haberes, munificē-
 tiā tue? : Hic effusā Tuā liberalitatē auxiliari
 manu ornare, & augere maximē satagit: vt
 nec plus at illo sperari, nec facilius spei no-
 stræ responderi potuerat. Aduētāte fatali
 Macedonum Imperio Romanā Classe, in-
 fluentibus in Macedoniam, innumerabili
 prope agmine Italogum, ferunt Lauream
 in puppi Nauis longæ enatam, felicissimi
 successus, & insignis victoriæ præsagium
 fuisse: cum magni homines, spectati viri
 noluerint, nisi prospera quæque ex ea arbo-
 re ominari: nos etiam qualis hic literarum
 nostrarum successus futuri sint, dubitabi-
 mus? cum non sine literaria diuinitus effe-
 ctum sit fortunā, *vt eam Nauem habeamus,*
quæ Parentem & propagatorem rei literariæ,
tanquam viridem, & nunquam marescentem,
Laurum, literis Academicis produxit. In spem
 maximam, & quemadmodum confidimus
 verissimam adducti sumus, hoc ipsum tem-
 pus,

pus, hoc Antistite, concussa maleuolorum
 licentiâ, æmulatione fractâ, legibus & im-
 munitatibus postliminio reuocatis, saluta-
 re Academicis fore. Hic iam interrupta me
 a Oratio (si tamen, est Oratio, sermo rudis
 & inconditus) hærebit: hic vobis mea di-
 cendi infantia innotescet. Virtutes enim
 Illustrissimi, Nostri de quibus omnis posteri-
 tas, & sine inuidia & sine odio incorruptè iu-
 dicabit, quæ sparsæ per meâ Orationē, dif-
 fundi volebant, hoc in loco mihi occurrūt:
 quarum tanta est maiestas, vt in illis enu-
 merandis, Attica etiam diues eloquentia,
 non dico mea inopia, facile contiteretur.
 Habet mediusfidius, habet singulares mi-
 nūque communes Illustrissimus Noster
 virtutes, quibus inter cæteros Ecclesiæ
 Dei Speculatores, sicut inter gemmas, gē-
 ma preciosissima, inter monilia, monile
 preciosis lapidibus ornatissimum, inter
 stellas stella clarissimo lumine ornata, re-
 splen-

splendet. Sed ego sic existimo, & vos existimare debetis vniuersi, cùm in omni genere, ac uarietate virtutum, etiam illarum, quæ rarò diuinitus hominibus tribuuntur, Antistes Noster excellat, singularem quandam laudem eius, & præstabilem esse virtutem, quòd Te hoc tempore (*Te compello Reuerendissime Domine Ioannes Branecki*) in partem curarum suarum, non casu, sed Diuino consilio, & omnium desiderio id exposcente, vocauit: quòd tuæ fidei optimæ & spectatissimæ, integritatem Sacrorum commendauit, qui videre, & veluti ex specula prospicere potes, nequà tempestas excitetur, nequà impendeat Ecclesiæ procella Video iam, profectò video, quo desiderio, & quàm longo interuallo Illustrissimus Præsul talem sibi aliquando dari exoptauerat, qui grauissimum hoc munus in Ecclesia obiret: & qui in hac syluescente vinea Christi excolenda, sibi auxilio foret.

Versantur Tibi, Reuerendissimè Vir, in ani-
 mo multæ & graues cogitationes, quæ Tibi
 nullam partem, nequè diurnæ, neque no-
 cturnæ quietis impertiunt ; primùm ad-
 ministrandæ Diœcesis : quæ cum semper
 est difficilis, & magna ratio, tum verò hâc
 tempestate grauissima, deinde subeundarū
 pro tuenda immunitate Sacri Ordinis of-
 fensionum. Tu Tu Vigilantissimè Diœcesis
 Administer es, quo nullum vnquam audiui-
 mus, qui de iure subtilius dicere videretur,
 nullum de dignitate Ecclesiæ, de exemplis
 maiorum acutius, nullum peritius de Sa-
 cerorum Religione atquè cultu, nullum Illu-
 striori authoritate de antiquis Cæremonijs,
 quibus diuini honores habentur, nullum de
 Antistitis dignitate grauius, nullum *de se*
ipso modestius : vt nullo tempore Tui nomi-
 nis decus, per tot pectora resplendens, in-
 ter moriturum sit. Tu in hâc Illustrissimi
 Naui pelagius es, (hunc seruatorem Naui-
 E 3 ganti-

gantium Plinius appellat) qui vbi fluctua-
 tes in alto tempestatibus seditionum ac di-
 scordiarum cæteras Naues in fluctibus, at-
 que procellis agi animaduertes, præna-
 tione Tuâ, tutissimum iter demonstrabis.
 Tu supremus in Diœcesi Religionis inter-
 pres, *perniciosas nostri sæculi Druidum expla-
 nationes, in paradoxis, & paralogis dogmatibus
 inclusasprehendisti: vt à bona fortuna ad
 id accommodatus viderêre.* Tu, varietate
 rerum, atque vsu ipso iam edoctus, *pericu-
 lorum iudicia: Tu salutis auxilia ad supremos in
 Regno Dictatores detulisti: Tu Sacrosanctæ sy-
 nodi, quæ nunquam aberravit, authoritatem re-
 tinuisti:* Tu in patrimonio Christi Summo-
 rum Pontificum interpositam aut horita-
 tem sustinuisti contra inuidiam, atque de-
 fendisti abijs, *qui tantâ cupiditate Ecclesiæ pos-
 sessiones amplexi tenebant, vt ab his omnia di-
 uelli igne citius, ac distrabi posse videremus,* non
 ignorans quid debeas loco, quem inter ho-
 mines

mines, supra cæteros es consecutus. Hæc
 Tua virtus & felicitas tanta facit, vt quem-
 admodum qui oculorum aciem in solem
 intendunt, non facile illius splendoris vim,
 & magnitudinem perferre possunt: ita quã-
 diu in Tuæ virtutis splendorem, & lucem
 intueor, penitus mihi mentis aciem, & in-
 genij perstringat, vt ad quem exitum dicti-
 onem meam perducere debeam, magno-
 pere mihi constare queat. Et sciebam qui-
 dem, eò iam homines huiusce ætatis sapi-
 entes peruenire ingenio potuisse, vt artifi-
 ciosis oculorum auxilijs, non solum lucem
 intrepidi, verum etiam colores curiosi in
 sole notârint; nihilominus quia verebar,
 ne aliud esset animi & cæli, corporis & cor-
 dis, solis & Sacrorum Administri spectare
 lucem; non sum ausus in Tua luce spectan-
 da, Mathematicorum sequi disciplinam.
 Itaque omittam iam Te, Reuerendissime
 vir, Oratione meâ reliquâ: sed vos, Audito-
 res,

res, animis ac memoriâ tenetote, de eximia prudentia, de singulari virtute, de clarissima authoritate. de liberali munificentia, de insigni defendendæ ornandæq; Ecclesiæ studio, de animo arduis innixo consilijs Nostri Antistitis. Ac mihi quidem, Auditores, cum illæ admirandæ sunt visæ virtutes, atque animi ornamenta: tum facilè ijs probari. posse animaduerto, Antistitem, Nostrium dignum, votis, & comprecatione esse: dignum, ut nullo tempore, eius Heroicæ virtutes, aut uetustate aboleantur, sed in eius, quæ eum exceptura est, posteritatis memoria crescât, famâ populorum, celebrêtur, viuât in sensu, & omnium admiratione. Sustinebunt non nulli se tot beneficio, tot meritis, tot ornamentis, tot præsidijs firmissimis, à vigilantissimo Speculatore, tot virtutum, facinorumque monumentis non teneri? tanto Antistiti felicissimam benedictionem à Deo Immortalino


li non euocare? qui neque valerudini, neq;
 prouectæ iam, multisque erga Ecclesiam
 meritis onustæ ætati parcens, officiosissi-
 mum iter ad Urbem illam, Sanctissimæ Re-
 ligionis sedem, supremæ virtutis monu-
 mentis longè clarissimam, suscepit. Sustineant. Reperientur in Academia, qui victu-
 ris in inuidiam fati, in iniuriam annorum,
 monumentis, certitudinem famæ optimo
 Antistitum, hîc ad Vartham, vbi nunquam
 satis laudanda beneficentia eius, Academi-
 cis literis conseruâdis inclaruit, adstruent,
 & immortalitatis memoriâ prosequuntur.
 Erunt in Academia, Auditores, qui non ra-
 tione dierum, aut mensium, sed operum
 multitudine, & rerum gestarū numero fe-
 licitatis huius tempora metientur, cum ad
 gloriam posteritatis, tum ad commendati-
 onē generis Szoldrscy insignem. Erunt in
 Academia, qui ad Diuorum Tutelarium hu-
 ius Regni Mausolæa, precabuntur, vt plenā
 F tam

tam annorū, quā meritorū maturitate, ma-
 ioribus in Patria, & Ecclesia auctus præmijs
 gloriosissimè felicissimè que vivat: qui Pie-
 tatem eius erga Patriam, non vnius diei cō-
 memoracione, sed æternitate & immorta-
 litate donabūt; qui eius singularē dexteri-
 tatem, & incredibilem prudentiā, non so-
 lū naturā corroboratam, sed etiā disci-
 plinā extollent. Quapropter quod quoli-
 bet trimestri in Academia, more institutoq;
 Maiorū facere solemus, Deūque Immorta-
 lē precari, venerarique atque implorare, vt
 Numine suo & auxilio benè de Academia
 merētes tueatur; id die hodiernā profeli-
 cissimo Illust. Nostriq; successū, inprimisq;
 pro reditu longè desideratissimo, faciendū
 esse arbitror. Itaq; extremū illud est, vt
 orē obtesterque Te, cui submissa tota hæc
 terrarū moles, quem æther ipse, & astra ag-
 nosūt authorē, cui oceanus orbis metator
 & omnis illa indomabilis vis aquarū, & cui
 quid

quidquid natū est, paret, Illust. Nostro mit-
tas illud præfidiū, quo se vallatū sēsit Iacob,
cū castra Dei se conspexisse testificatus
est. Extremū illud est, vt orē obtesterq; Te,
qui huic loco tēploquē præfides, qui omniū
mētes corū, qui Ecclesiā, Sponsā Tuā guber-
nāt maximē perspicis, vt Illust. Nostro cæ-
lestes mittas exercitus, qui ipsius salutē tu-
eātur, & ab illo, quolibet momēto omnem
impetū, atq; furorem hostiū propulsēt. Ad-
sumus magno studio Academici omnes, &
laboramus: hunc patronam literarum, de-
fenforē Ecclesiæ, custodē libertatis, si hoc
tēpore præstētē habere nō possumus, in hoc
tamē itinere, quod deuotissimo animo in-
gressus est, per Te, humanæ salutis parēs, at-
q; sequester; defēdi cupimus. Te etiā nō iā
cōferēda hominibus, sed præferēda cæli-
bus, Dei Mater & Virgo, in cuius fide & cliēte
la Illust. Nostrū cōstitutū certō arbitramur,
& cuius in eū voluntatē iā spectatā, & cognitā

perspeximus, eiusdē nūc incolumitatis &
 securitatis causā vt suscipias, solennni pre-
 catione atque ritu obsecramus. Non erube-
 scimus tenuitatē & infirmitatē nostrā pro-
 fiteri, cū quibus in conspectum Filij Tui ve-
 nire non audemus: ne repulsā patiamur mi-
 seri, qui nos, & preces nostras Tibi, cui re-
 clusus est quotidie liber ad Diuinissimā Ser-
 uatoris Nostri maiestatem accessus, offerre
 debemus. Vide quā non erubescamus:
 vide quanta lux clementiæ, & benignita-
 tis Tuæ nobis ad pedes Tuos iacentibus
 oboriatur. Tibi Regum ille Dominus, In-
 stitutorq̃, ac nutritor Principum Deus, ora-
 tiones nostras, purgandas permisit. Te in
 Aduocatam Nostram apud se delegit; An-
 tistitem habemus, qui Religionis causā, a-
 pud Pontificem Opti. Max: Urbanum,
 Octauum versatur: Tuā custodiā & pro-
 tectione illum ita munias, vt ad pietatis &
 iustitiæ incrementum vsurā huius locis per-
 fru-

fruat^r diutissimè. Vos etiam ô vitæ nostræ salutisquē Diui Tutelares, qui & si de vestra felicitate, immortalitateque securi, adhuc de nobis solliciti estis, nosque in huius nostræ mortalitatis sanguinolenta arena omnibus casibus expositos intuemini: Adeste vestro præsidio, atque ope tutamini, vt Illustrissimum Nost^rum è tam lōginquo itinere sospitem & incolumem habeamus. Te autem præcipuē Diue Ioannes Cantⁱ, cui Academia, & nostrorum salus peculiari, & arcano ritu dedicata, imploramus, atque obtestamur, Suffragijs Tuis felicissimum in Patriam reditum impetres Illustrissimo Nost^ro, vt Seruatoris Nost^ri Religio, & Sponsaciūs Ecclesia, ex tot tantisque fluctibus & procellis Antistitis Nost^ri Pietate, in optimum & tranquillum portum iam inuecta, eiusdem Seruatoris Nost^ri pace, cum immortalⁱ Antistitis Nost^ri gloria, diutissimè perfruat^r Dixi.



CRACOVIAE.
 In Officinâ Typographicâ Va
 leriani Piatkowski, Anno D.
 M. DC. XLI.

Biblioteka Jagiellońska



stdr0014478

